

mana o te Hahi ki te whakaora i te hunga e pangia e aua tu mate, me whai mana hoki i runga i te Ingoa o Ihu Karaiti ki te patu i nga mana o nga tohunga maori e mahi tonu nei i nga mahi maori.

3. Ko Revs. P. Hakiwai, H. Huata, P. Tamahori, H. P. Manaro, me E. M. E. Te Tikao, ko te Hemana Pokiha, Renata Tamepo, me te kai-motini hei mema mo taua Ropu: a kei a ratou ano te tikanga mo te karanga i etahi atu hei hoa mahi mo ratou."

Ahakoa e wha nga marama e heke iho nei i mua o te Hinota, he mea pai ki toke whakaaro te panui atu i te motini nei i naianei kei ohorere oku hoa minita me nga mangai-rei-mana i na tae ratou ki te Hinota, kia whai taima ai hoki tatou ki te rapu i nga mea e tika ana hei korero ki te hui.

E hiahia ana hoki ahau kia tuhituhi etahi atu i o ratou whakaaro ki te Toa ranei, ki ahau ranei, kia wawe ai ahau te mohio ki nga ingoa o nga kai tautoko i te motini. He toru-toru nga tangata e tae ki te Hinota whai korero ai. Ko te tokomaha ka noho mai i o ratou kainga. Na reira kia tere koutou, e oku hoa aroha, te tuhituhi i o koutou whakaaro mo tenei take nui. Heoi ano.

Na te hoa aroha nui o te iwi Maori katoa

Na Kenana Aata Wiremu

Te Aute, Pukehou, Nepia. 14 5 29.

HE MIHI NA TE PIHOPA O AOTEAROA.

Tenei ta koutou pononga Pihopa kei te torotoro haere i nga marae o nga morehu o te iwi Maori e noho mai nei i te Waipounamu. Kua taea nga marae i whakaritea ai o Aotearoa, kua whakawhiwhia ki nga manaakitanga o tena Pihopataanga. Kanui ra te whakamihhi ki nga manaakitanga tinana me nga manaakitanga wairua puta noa te Motu katoa nei. Ma te Matua i te waahi ngaro koutou katoa e manaaki e tiaki e atawhai.

Nga Aitua---

Tena koutou me nga aitua o te Motu katoa. E kore e taea te whakahuahua nga ingoa katoa o te hunga ka wehe nei i a tatou. Kei te tangi to kontou Pihopa ki o tatou aitua katoa.

Otira kei te nui rawa te tangi o te Motu katoa nei ki to tatou whaea rangatira kia Reiri Arihia Ngata, me tana tama iwi Maori katoa nei i pera rawa te kaha ki te awhina ki te matamua i haere tata atu i mua i a ia. Iti rawa nga wahine o te manaaki i nga mahi hei painga mo te iwi Maori. Kaore ana titiro kauohi tangata. I rite katoa tana manaaki. Ahakoa taha tinana, ahakoa taha wairua, koia tonu kei mua e whaka-